

穎川劉抃纂修

詩

陸秀夫抱衛王入海圖

元姚 璉

紫宸黃閣共樓船海氣昏昏日月偏赤縣已無行在所丹心猶擬中興年身藏魚腹不見水手挽龍髯直上天板蕩純臣猶如此流芳千古更無前

題陸丞相墓二首

有序 明姚嘉會

宋文公天祥制科錄先世傳之家孰舊矣不佞嘉

饒平縣志

卷二十三

藝文詩

童時展閱陸公秀夫並出一榜因慨兩公當宋末造或以勤王或以托孤無論事之成敗而其忠肝義膽光射斗星收三百年養士之效顧不偉與今年春奉命理潮道經文公里請以弔之及履任三日謁陸公於祠下生氣凜凜載考徃牒而知其墓在南灣也夫灣屹然大海中其母子祖孫壘壘封土亦屹然灣中過者悚息則與文丞相昇發燕京偕太夫人同日臨壙者何以異哉忠義之報天實式靈之矣余小子有慨於衷走筆二章而復爲之

述焉

孤兒移祚數應符航海難將三尺扶颶發浪奔投汨
日家亾國破射潮區忠魂直逐銀濤上烈骨長涵玉
壘蕪吊古不勝頻慨悼風前聊薦一生荔

其二

其道遺骸葬海魚誰知千載塚如初穹碑奔繫厓門
蹟羣表苔封樞密書星隕孤忠垂九鼎波沉勁節愧
三閩於今地下神遊注飛劍猶能斬羯奴

遊普陀巖

饒平縣志

卷二十三

藝文詩

二

小隊凌煙上翠亭清光遙藹白雲屏峩峩紺宇垂十
禩耿耿元麻庇百靈風送花香來曲洞日移松影暗
前汀尋真擬作留衣事海上高僧風露零

雙頭蓮

細雨山城滿草萊蓮化邨事竝頭開王人更欲栽桃
李未暇清吟同酒杯

遊普陀巖

無名氏

同上仙巖訪物攀白雲深處有僧家三生石上看飛
鳥四月門前喧賣瓜日煖香風浮繡閣雨餘翠滴入

流霞與君參透元關也杯渡悠悠泛月槎

東界紀事

鍾卿客

東界居東東得名依山向水卽方城煙村坐落多閭
右傑士翱翔盡國英斤鹵利豐人易足桑田水滿歲
宜畊賦完差了無宥吠田野熙熙樂太平

循行東界志喜

羅凱

一官軍落寄山城今日東遊喜滿膺人境衣冠還漢
古比閩 誦藹游聲南阡北隴畊雲闊白叟黃童卧
月明靜對庭空閑晝晝黃鸝紫燕相飛鳴

饒平縣志

卷二十三

藝文詩

三

考績之京別饒民二首

事業生平望古人四年無補負初心我慚父母溫存
德民有兒孫愛戴誠愁色滿前千里別良緣還治再
相親郊辭無限丁寧意聖諭洋洋勉勉行

又

聖諭洋洋勉勉行斯民三代古猶今所求戶戶詩和
禮但願人人織與畊幸過江門夫子室喜親刺史退
之庭郊辭無限丁寧意聖諭洋洋勉勉行

復任再別饒民一律

良緣還治再相親詩誡山來不負人去日必任承繼
繼來時卧病謝慇懃乾坤信有今胞義楚越曾無異
域分惟寄長空半輪月清霄常爲照饒平

題左嶺亭

今名嶺

梅江

繡衣驄馬紫絨裘巡歷行行已數秋鷹隼高飛天氣
肅峯巒聳出嶂烟收山民弛擔如迎我壑鳥啼春似
訴愁惟欲吏清民不擾不辭踏遍嶺南州

行部至饒平

車份

三饒形勝甲三陽土壤膏腴俗厚龐水去東南趨漸

饒平縣志

卷二十三

藝文詩

四

海山來西北接汀漳千年城郭開新邑百里歌屬

舊鄉共說當年楊大尹至今遺愛未能忘

楊名豈

贈蔡亨嘉還饒平

陳獻章

大厓居士此彈琴誰繫孤舟綠渚滄海我真忘僻
遠雲山公肯到高深鼠肝蟲臂都歸幻雪月風花未
了吟滿眼欲知留客意虛江孤月正天心

代簡寄邱太守

在天祿

何處思君獨舉杯江門薄暮釣船回風吹不盡寒
月影過松梢十丈來

次韻答鄧司訓

名忠

張翮

首宿盤中况味新
青氈猶在未爲貧
文場久困空羣
驥道眼忻看失路
人桂圃雲深仍待雨
杏園花早定
魁春橋門盡日清
風在靜裏鳶魚樂
更真

遊溫泉

在縣
葵坑

十里青郊路看山
興未窮乳泉溫泉石
火茆屋貯春風
楚老追隨久康衢
笑語同武陵幽絕處
只在小溪東
答李舉人詢韻

極北晴雲萬里浮
嶺南芳草伴春游
清時蜀道堪隨

饒平縣志

卷二十三

藝文詩

五

鶴聖世豔林已放牛
不遠威顏清海氣
敢將詞賦吊
湘流齋居盡日恩
波裏茗椀盤餐愧
所由

渡江晚泊黃岡公館

雍闡

江暄夜不寐披衣起
清曉崗黃射晨暉
霏紛逗林杪
韓馨羣邑饒橋跨
川源渺天空橫岑
麓海濶烟霞表
鹹淡二水流俯仰
三陽小森森澗畔
松修修雲間篠
泛泛隨流鯨冥冥
沒波鳥遙芳真大
觀幽遐皆可了
眷茲舟車遊暫謝
簿書擾探古竟自
營撫琴情亦悄
娛已豈神怡遺榮
或詞編昔來志方
強今時髮已顛

芳芷有遐芳美人徒媿媿

留題石壁山

劉魁

百歲人何在空餘草樹風
遠天曾有盡廣海信無窮
共坐一亭小高談萬劫空
幾時騎白鶴飛入五雲中

失題

無名氏

磐石坐三人論心到千古
會得舞雩心何地不鄒魯

又

且擊簷下鐘莫管枝頭鳥
鐘聲雜鳥鳴一嘯天地杳

石壁山四詠

王魯

饒平縣志

卷二十三

藝文詩

六

一條寒玉分山色千尺晴岩吐夕霏
閒坐澗邊渾覺

是杏花三月雨沾衣

右飛泉漱玉

松梢撐石翠滢滢赤日熏花落細金
入俗菩提千古

對風來猶帶曉鐘音

右翠壁搖金

石壁舊為僧院今廢為余散人墓

踏破松陰罔象迴曉濤扶日上亭來
南山一道氣如

雪千載忠魂陸夜臺

右望海亭松

陸秀夫墓在南海

天留空洞散人居萬斛雲霞任卷舒
深夜門闌不須

鎖往來明月舊相知

右樓雲洞月

追尋陸丞相墓

有作

張翊

海上墳傳陸侍郎一碑誰爲志八公藏如今碑失墳何處海上遺悲一樣長

悼君寔

扈蹕南奔泊海崖拍天風浪更何之托孤三尺鬼神鑒報國一心天地知持重猶能懷信璽顛危永不豎降旗君臣同墓江魚腹百萬蒼生不盡悲

陸秀夫

許燦

滄溟方擊楫金屋尚垂簾國事關心苦朝衣挹淚沾天涯扶日角水底抱龍髯廟貌猶生氣千秋肅具瞻

饒平縣志

卷二十三

藝文詩

七

悼君寔

祚微方擁幼勢極尚扶顛鼈背舟中國龍髯水底天鞏存周已晚蜀盡漢無年獨有丹心皎長依海月懸

又

亘古無斯事于今有若人龍綃同把手蛟室共沉身蹈海言能踐憂天志不伸曾微一杯土魚腹瘞君臣

宋陸丞相墓

二首

陶聖拱

國步將傾訖宋符顛危真是隻身扶補天共瀝三忠膽赴海奚憐七尺軀本爲披丹醮社稷豈期化碧委

萊蕪至今怒作濤聲吼爲吊幽魂一束芻

又

餘艤南下押龍魚獨矢孤忠遂厥初委質已堅二事
節死忠詎負數行書海濤浮齧哀亾國封域何心爲
表聞元醜盡爲明罔兩怒潮莫復恨彝奴

題柘林

于嵩

地險壯寇戕行穿翠靄過湖平千岸濶雲出萬山多
劍舞吞牛斗旗搖剪薜蘿年來經幾汛瀚海息鯨波

題南灣山

王懋中

饒平縣志

卷二十三

藝文詩

八

拔地千峯高插天連天雪浪浴青蓮分明海上羣仙
島今宿貌貅萬灶烟

題太子樓

王弼

疊石爲樓雲與平樓荒空有石崢嶸殘基草長陰狐
嘯幽壑人希墅燐明少主羈魂悲海島孤臣忠憤磴
燕京只今樓下潺湲水似爲當年作怨聲

題萊蕪山

李見龍

何處佳人不解羞巧粧雙髻泛中流並衿洛水凌波
渡競學湘妃鼓瑟遊解佩有懷留子島拾芳長憶辭

即州鮫人虛贈鮫綃帕欲賽雲鬢故出頭

九月金山紀興

陳廷對

平生長抱阮生疴疎懶其如佳節何漫道山靈偏有
主却妒海若更無波眼中秋色驚將老世上年華媿
已多安得菊錢堪買酒每從霜節一高歌

登果老山

獨步尋芳蹟屢屢萬石巉山城隣鳳水地叻接龍巖
日晒晴沙網風揚晚渡帆清音時入耳鼓吹雜松杉

其二

饒平縣志

卷二十三

藝文詩

九

萬峯名果老環聳會羣仙亂石斜穿徑層巒直插天
雲封疑玉璞露灑訝青蓮鑄石留題處忻逢燧息烟

黃山公館

鄧全慎

小構崔嵬俯萬峯雲根天末蕩遊踪一溪流水清無
鱗千樹喬松偃作龍近隴周遭嬌薜荔遠山濃淡錯
芙蓉經過莫詫逢迎簡生態年年艷筆鋒

其二

古瓦頽墻無處無豆羹芹飯入行廚占星放曠懷閑
尹聚橐辛勤斲野蘆綠水黃山新客舍畫戟朱幡舊

玉途經過莫詫逢迎簡一宿遽蘆天地殊

其三

候館新誅棘茨殘闌天越崙盡黃巒瘴希草色通冠
寬春對清明簇繡鞍坐倚青山堪與語行衝赤日勤
加餐經過莫詫逢迎簡有客無憂行路難

其四

五嶺東來第一關半依村舍半依山村蘆古驛憐行
役山戀晴雲任往返几淨認前宜韵士墅花啼鳥破
塵顏經過莫詫逢迎簡一等班加意已般

饒平縣志

卷二十三

藝文詩

十

又

王可象

峯樹叅差莽護環軒堂正好在中間繞墻松翠浮襟
袂入座巒光映髻鬟雲度溪流風冉冉風吹花片出
班班停車傳舍清如此亦是皇華亦看山

其二

地界闌闌客路長莫教草草往行裝未知人世千秋
事且避浮生半刻忙林竹遲回詩思遠山光繚亂酒
杯香家居赤壁江流下愁裏前山亦足黃

其二

解刀買犢通年風行李安閒野署中且與海邦相
習何妨溪藻薦王公春嬌清韵常聞鳥霜老丹顏好
看楓儿淨堂虛墻僻處欲攜書卷對花叢

其四

望裏烟霞坐可收誰云長者不風流竹龍平步宜文
靖鐵鳳高阿待子猷畫出雲林安柱棟天然景物慙
軒輶使君辛苦莫嗟惜莫與郎符籌泡瀕

楓署賦得元夕燈三十句

邱金聲

宿雨寒燈節清笳催署更錦堂春宴設雕檻夕烟生

饒平縣志

卷二十三

藝文詩

紗薄冰山翠虹長掛水晶陶籬香草草石醋碧瑩瑩
藍結鮫人淚星飛鰲婦睛危樓峯半面短架壁全瓊
芍藥花自肖蓬萊浪不驚粉紅荔子脆蠟綠雪妹輕
落瓣嗟朝菌舒芝弄晚英煖燒仙掌動燭歛玉鈎橫
白隊空中箭紫姑廁上迎兒嬉喧火馬魚戲舞籐鯨
鼓吹無他曲聲歌莫解箏五徒供夜醉相與想南征
夢入凌霄去灰寒付小伴

尊君山

一名將軍山

邱世鑰

丹楓落盡見尊君碧草燒餘結鬢雲豺虎只今多戰

伐山名休說古將軍

蓮花山

碧海爲池不記年青蓮餐盡骨應仙携將一朵蓬壺
去拋落山雲深處邊

辭卽洲

辭卽洲上一滴水盡是壁孃眼中淚潮去潮來作怒
濤尋與胥濤相一二匹王勝國五百秋辭卽卽去知
誰愁卽入幽宮伴龍子世上唯聞秀夫死平元一曲
海上聞海水將飛飛不起吁噫嘻辭卽之名今遂沒
饒平縣志 卷二十三 藝文詩 十一

百丈埔尋許夫人戰處

一軍娘子護龍潛不柰封狐慘不殲海上有山埋趙
肉坡前無土掛香奩草隨血化春猶碧字被人訛許
已尖莫恨不畱榱櫨在宋宮今日麥漸漸

謁故宋陸丞相墓公墓在南灣與上陸處士墓

靖丙申又卽所居旁故寺地爲衣冠之墓

陸相家猶存元人園已滅海波瀾宋舟明日消 雪

白骨委天涯正心緒石鐵可憐進講時淚滿朝衣血
相逢行
周用

虞卿輟著書杖策入金臺冠蓋青雲合軒車紫霧開
北杓轉西指西日屢東回如何羈客久未獲介人來
千金買斛酒一日傾一杯酒闌風塵扇咫尺不相見
不見愁此心山高復水深食玉炊丹桂囊琴卷布衾
驅車賣舊幃出郭嘆斯時忽見魯連子走馬到何遲
慰問不得意各言前相思舉杯酌流水解琴調素絲
一彈渭水怨再奏西山悲曲路各南北會面未能期

饒平縣志

卷二十三

藝文詩

十三

寄陳安平掌教

驅車出東門仙客別行岐索我龍門寶繫我冰蠶絲
寶有雲霞象遠大以相期絲積日月工丈疋勉自治
命屯宜少忍道合自有時語壯良多激意重不敢辭
可以報知己奉之千歲龜

又

君子有所思所思在遠道朝吸天日精暮挹芝蘭草
歲月積已多龍蟠在洲島時運多變更鵬起凌蒼昊
我欲觀其人朝夕在懷抱江漢廣且深一步不可造

山岳阻且修一蹴不可到起來爲君歌殷勤爲君禱
上壽三千歲下壽一百考

古意寄感希道翰林

芙蓉夾岸香風起遙憶美人千萬里有意相逢竟不
逢霞光倒懸秋江裡金缸不照別離心瑤琴獨彈清
思徵漏滴銅壺五夜鐘聲聲乾鵲報新喜

村居紀事

舉網得魚日正中晚禾收穫靠東風杖藜來往閑相

語此日官司賣社翁時魏提學校毀
淫祠置社學

饒平縣志 卷二十三

又

銀弁金釵百萬家萬家喧買四停花杖藜來往閑相

語鴿鳥何如變老鴉時有買
鴿之變

送邱明府考績之京

潁川稱四長山陰稱一邱河陽有王渙官城有高柔
彼美前大夫嘉行振儒流寂寞千載下吾侯邁前修
試問才何似太阿切琳球試問量何似洞庭納細流
試問清何似玉壺瀉霜秋試問明何似秦臺炤隱幽
農桑沃春野 誦冠南州侯騎青驄馬身衣素綺裘

之我山澤叟欲作國都遊追之不可及挽之不可留
環立甘棠下張望以羣猶祝侯願侯壽福與南山侔
拊忠佐天子四海均洪休

舟次繁昌阻風戲作

江湖五月南風生北船遲滯南船行南人多在北船
上日日思家萬里情起來搔首與天語願得廣莫良
風至人皆笑我違天時我願彼蒼從人意韓子訟詞
苦無端鄭宏隆德終能濟寄奴登舟風亦轉坡老擲
玻風亦還官亭之神分上下箇箇使船如使馬風兮
饒平縣志

卷二十三

藝文詩

十五

風兮聽我語從我之意解人苦晨轉北兮暮轉南兩
爾平分誰惱汝

除夕

有線難牽日持杯只對天今宵猶舊歲明日是新年
樽空居人後無才只自憐荆妻應念我與子話燈前

偶成

濁酒一杯自酌酌囊中不必問提流卑卑此日無高
論秩秩誰人莫大猷李杜邴能降巷伯孫劉似欲擬
荊州乘桴未可涉滄海且揭離騷讀遠遊

過江

渺渺煙波江上遊，雲山四合興悠悠。
別辭城市已三日，始覺年光逼九秋。
聊借便帆成野渡，不須擊楫誓中流。
臨行又爲東風使，緩步長裾杜若洲。

過嶺前

曹宗

青山四面罩烟霞，啼鳥聲聲傍野花。
不是黃昏燈火見，誰知竹裡有人家。

題夷齊國

周家有粟及鰥孤，甘作陽山兩餓夫。
豈是不知天命

饒平縣志

卷二十三

藝文詩

六

改君臣大義，未應無

題楊妃背海棠圖

蘭湯浴罷著衣裳，背立東風醉海棠。
只爲洗兒夢箇事，至今無面見三郎。

寄存道

陳理

燕子西飛東伯勞，蒼茫雲樹海天高。
不知何處相逢日，對飲流霞和楚騷。

訪隱士不遇

平生慕高隱，今日扣柴關。
松老鶴相對，雲深人未還。

望窮流水遠坐久落花斑惆悵歸來晚夕陽香藹間
出家
三兩人家倚碧岑鷓鴣啼處落花深汲泉煮茗留僧
話種竹生林引鳳吟繾綣閑情禽對語婆娑生意樹
夕陰此中誰是陶宏景爲說經邦濟世心

題饒平公館

萬山環繞一孤城城外荒郊路坦平春煖祇看桃李
燦山深不見虎狼行俗同鄒魯皆歸化人樂農桑盡
力耕更喜儒林多俊彥年來桂籍共聯名

饒平縣志

卷二十三

藝文詩

七

河西務錢郎中邀飲歌以贈

陳天資

大夫爲人崇謙抑舟中枉顧始相識同年張願是同
鄒邀我登堂候顏色虎邱禹穴聚奇偉龍漢延津在
胸臆斯文相識卽相親談論無方亦無極平生尚友
顏平原臨是平原真墨刻高吟朗誦好文章鬪采投
瓊令行亟君舉空杯我舉滿主人怯飲客不管風霜
何事苦生寒談笑忘懷各自煖臺人來報更已深相
辭上馬月如浣歸到舟中睡不成但有台斗相陪伴

偶成

到風步入海塘西山草山花逕路迷野叟不知天已
老猶拖釣杖過江湄

廬溪謁周廉溪祠

庭草青青炤昔年圖書千載發幽傳幾回獨上萍江
望風定光生月滿川

途中有感湯紀

披霧蒙烟散曉行蕭蕭足馬引雙旌老僧掃榻日當
午笑破機關三兩聲

石寶寺阻雪

饒平縣志

卷二十二

藝文詩

七

僻寺藏荒谷空庭落葉稠雪侵虛殿冷松冥曲廊幽
汀逐濛烟澗山迎宿靄浮褰帷亭夕駐對境若爲愁
萍鄉道中和楓潭韻

飄泊天涯路孤伶客裏身雲山常作伴琴鶴舊相親
歷慣風霜苦空驚歲月頻廿年馳語檄不換此身貧
懋菴川宮和韻

秋入桃源路烟霏淑景深雲迴千嶂合風動萬松吟
古洞留仙蹟孤舟繫客心漁郎不再遇空自費登臨

良鄉夜雪

九夜窻冰白推窻見雪明羣鴉禁不語畫鼓寂無聲
銀塔聯瑤樹瓊宮隱玉城獨憐天際客孤枕夢難成
雪晴過庾嶺

逢人盡說庾關險此日閑登絕頂來遠近紫梧巢鶴
睡清虛樓閣倚雲開摩空日映雙旌過鳴澗風生萬
壑哀極日千山一澄霽許身今已在瑤臺

除夕

遼左維車滯異鄉再逢除夕動悲傷一身繫國三更
夢萬里思親九斷腸雲物觸膺驚歲月霜風和淚洒
饒平縣志

卷二十三

藝文詩

十九

衣裳竚看海上蒼茫外卽是悲人卜築場
其二

絕塞逢春歲欲新天涯稚子轉相親千家未撤三城
戍孤枕猶羈一病身北警頻來竟亦怒南書不至淚
交侵巡簷散步青雲下苦憶霜鬢守歲人

九日遊普陀岩

海國秋深樂事稀普陀岩下扣禪扉寺經歲月幾僧
在木落山空一鳥飛欲覓黃花迷故徑暫從元圃開
真機題糕忽憶當年事挿遍茱萸醕酌歸

題鳳埕八景

黃詔

顧瞻日出岡之東赤光電燦涵金紅誰致赭糖同冀

上天教瓜子作崆峒秋陽爍以真陶冶漲海陶成斗

紫龍百鍊歸來未昏黑還瀆坡老關雙峯

東環金石景

玉種移來到海天然佳案在村前高秋入眼飛瓊

屑盛夏湯蹄颺壁烟午夜月明蒲穀見三春雨浣玷

瑕鮮門庭白面多和璞得遇相知價倍償

南帶玉砂景

兢兢覆獸出林彤浮渡灣門內地凭風撼潮頭鬚吻

白日升海底爪牙明舟無蹈尾知常避人慣如毛探

饒平縣志 卷二十三

藝文詩 二十

不驚長嘯海天交炳隱咆哮誰道食菰聲

西扁虎喚景

屏帳重重氣勢鴻崑崙未上眼眶中堯封保障方如

辰禹蹟刊隨彎似弓鳳嘴有聲羞煮海壺山沒石謾

迴風瀛洲東顧漳南路北面維藩第一功

北枕鴻山景

卓卓凌雲勢迫空孤高不與眾峯同尖揮風雨魁星

外頂人東南斗柄中近視高牙開大霧遠瞻臣闕倚

崆峒一枝千古斯文筆留寫封章獻九重

古峯捕斗景

觀水東南到海濱波瀾萬頃渺無邊祝融一怒山翻

雪颶毋初呈浪拍天日落魚龍騰靈湧夜沉星斗弄

波妍五湖縱瀾難爲水笑却精銜與血鞭碧海連天景

白謫昌黎到海濱振經消息嶽河新村希青草休燒

火山戒黃茅不避人坤闢民生無夭折風還海俗有

精神如今鄒魯中原地不是當時五嶺民嵐氣旋清景

喬木陰森聚國族風韻依稀不記年憇暑影明粲翠

蓋印沙葉冗步青錢棲柯鳥隱窺蟬噪敲石殘棋聽

鶴眠出地雲根當欹枕羲皇人醉日中天倦陰積翠景

題弓鞋山

陳珮

龍泉仙子下江遊脫却雙灣半不收願倩天孫補成

饒平縣志 卷二十三

藝文詩

三

對乘風踏上五雲頭

題大幕山

陳席珍

大幕峰高天際頭登臨絕頂恣眸遊鴻飛漢表弋何

慕麓跨天池勢欲浮幾見盛樓沉海閣每窺石竇起

雲樓誰言嶺外無佳况擬卽仙寰第一洲